

Denhdwngj Aeu Gunghcwngz “Dangjgen 4+”
Doidoengh Hongsaeh Vwnz Lij Gvangj Dij

天等以“党建 4+”工程推动文旅广体事业发展

Bineix doxdaeuj, Denhdwngj Yen Vwnzva Lijyouz Caeuq Dijyuz Gvangiden Giz saedguh “dangjgen + gagnyienh、vwnz lij、binjbaiz、hanghmoeg” seiq aen gunghcwngz, caez sim comz rengz doidoengh hongsaeh vwnz lij gvangj dij hwngfat. Lumjbaenz laeb doengh aen doih gagnyienh, dazyinx dangjyenz ganbu buek youq baihnaj guh hong fuengzre binghraq daengj; guh buek hozdung lumj bak ciengz denyingj haeuj lajmbanj daengj, doidoengh vwnz lij leih minz、dij gvangj hawj beksingq ndaej ndei; haivat swhyenz saekhoengz, cauhaeb binjbaiz vwnzlij saekhoengz lumj cit heiqlfwen Bouxcuengh 《Loq Aenmbwn • Go Sing Lwggeuh》daengj; hwnqguh ndei dieg gyoebcomz vwnzlij daengj hanghmoeg hung, haenqrengz cauhaeb aen yienh guhyienh dijgyau doxyungz Gvangjsih.

(Cinz Yizginz/覃日琴 Vangz Cwngzsungh/黄城松)

► Doz swhliu : Cit heiqlfwen Bouxcuengh 《Loq Aenmbwn • Go Sing Lwggeuh》.



▲ Youq Aen Bozvuzgvanj Gunghyez Liujcouh Si, vunzlai cingq yawj mbaw siengq.

Sezyingj Lenzcanj Roek
Dieg Baihsaenamz Haimuq

西南六地摄影联展开幕

Mboengqneix, Gaiq Cibhaj Sezyingj Lenzcanj Roek Swngj (Gih Si) Baihsaenamz youq Liujcouh Si haimuq. Yienhciengz langhbaiz le bak ngeihcib mbaw siengq laeng Gvangjsih、Cungzging、Swconh、Yinznanz、Gveicouh caeuq Sihcang, sam bak lai mbaw (cu) siengq laeng aen yauhcingjcanj “mbanj gou gig gyaeu—yingjsiengcanj roek mbanj baihsaenamz Cungguk”. Baez hozdung neix langhbaiz gij gingjsaek gyaundeit caeuq ndwenngoengz vunzlai gvaq ndaej youh ndei youh van laeng dieg baihsaenamz.

(Lungz Dauh/龙涛)

Hocouh: Makleiz Sou Ndaej Lai

贺州：梨子大丰收

Mboengqneix, youq ndaw suenmak laeng Hocouh Si Fuconh Yauzcuz Swciyen Gozboh Cin Mbanjlaeuz, makleiz venjnangnang, bouxdaemmak cingq nyaengq mbaet mak, mak sou ndaej lai gyoengqvunz bouxboux naj riunyumnyum. Aen canjnieb makleiz dwg gij canjnieb miz daegsaek aen mbanj neix. Ndawmbanj ndaem le mboujcaih cien moux makleiz, bineix nanq sou ndaej bak fanh goenggaen mak, vunzmbanj aiq ndaej demsou haj bak fanh maenz ngaenz.

(Vangz Yinz/黄云)



▲ Bouxndaemmak youq ndaw suenmak nyaengq mbaet makleiz.



▲ Gyoengq canghfwen cingq eu fwen lwnh seuqcingh.

Bingzgoj Guh Hozdung “Fwenleux Eu Seuqcingh”

平果开展“嘹歌唱清廉”活动

“Siz cungjsuhgi naeuz, son daengz raeuz vunzlai; mbouj ngah dam cienzcaiz, dam lai vunz mbouj nyienh”. Mboengqneix, Bingzgoj Si Gijveij guh hozdung “fwenleux eu seuqcingh”, cujciz doih fwenleux doq seuqcingh gingjsi、son’ gyaug seuqcingh daengj baenz fwen, aeu fwenleux dieg de bae eu. Daj 6 nyied 15 hauh doxdaeuj, doih fwenleux bae daengz Majdouz、Swdangz、Bohcauh、Gojva daengj yanghcin eu le cib geij ciengz, hawj vwnzva seuqcingh doekrag ndawsim vunzlai.

(Yiz Ciz/余执)